



প্রধানমন্ত্রীরদপ্তর

# পণ্য ও পরিষেবা কর-এর মধ্য দিয়ে দেশ প্রবেশ করতে চলেছে অর্থনৈতিক সংহতির এক নতুন যুগে চার্টার্ড অ্যাকাউন্ট্যান্টদের এক সমাবেশে বললেন প্রধানমন্ত্রী চার্টার্ড অ্যাকাউন্ট্যান্টস্ দিবস উপলক্ষে শনিবার নয়াদিল্লিতে এক বিশেষ সমাবেশে ভাষণ দেন প্রধানমন্ত্রী শ্রী নরেন্দ্র মোদী

Posted On: 04 JUL 2017 4:47PM by PIB Kolkata

চার্টার্ড অ্যাকাউন্ট্যান্টস্ দিবস উপলক্ষে শনিবার নয়াদিল্লিতে এক বিশেষ সমাবেশে ভাষণ দেন প্রধানমন্ত্রী শ্রী নরেন্দ্র মোদী। পণ্য ও পরিষেবা কর-এর সূচনার দিনটিতেই প্রধানমন্ত্রীর এই ভাষণ দেশের বিভিন্ন প্রান্তে সরাসরি সম্প্রচারের ব্যবস্থা করা হয়।

প্রধানমন্ত্রী তাঁর ভাষণে চার্টার্ড অ্যাকাউন্ট্যান্টদের তুলনা করেন চিকিৎসকদের সঙ্গে। তিনি বলেন, দেশের অর্থনৈতিক স্বাস্থ্য এবং সমাজের ভাল থাকা মন্দ থাকা নির্ভর করে চার্টার্ড অ্যাকাউন্ট্যান্টদের ওপর। অর্থনৈতিক দুনিয়ার সাধু সত্ত্বরূপে তিনি বর্ণনা করেন চার্টার্ড অ্যাকাউন্ট্যান্টদের সঙ্গে যুক্ত ব্যক্তিদের। শ্রী মোদী বলেন, অর্থও অর্থনীতি সংক্রান্ত বিষয়ে ভারতের চার্টার্ড অ্যাকাউন্ট্যান্টদের দক্ষতা ও পারদর্শিতার খ্যাতি রয়েছে বিশ্ব জুড়ে।

প্রধানমন্ত্রী বলেন, যে কোনও ধরনের প্রতিকূলতা থেকে ঘুরে দাঁড়ানোর ক্ষমতা রয়েছে ভারতের। কিন্তু, দুর্নীতির সঙ্গে যুক্ত মুষ্টিমেয় কিছু ব্যক্তির জন্য ভারতের উন্নয়ন বিশেষভাবে ব্যাহত হচ্ছে।

বিমূদ্রাকরণসহ কেন্দ্রীয় সরকার গৃহীত বিভিন্ন পদক্ষেপের কথা উল্লেখ করে প্রধানমন্ত্রী বলেন, দুর্নীতি ও কালো টাকার বিরুদ্ধে গত তিন বছরে সরকার নানাভাবে অভিযান চালিয়ে এসেছে, যাতে দুর্নীতি গ্রস্তদের কাঠগড়ায় দাঁড় করানো যায়।

শ্রী মোদী বলেন, বিমূদ্রাকরণ পরবর্তী পর্যায়ে অত্র তিন লক্ষ সংস্থাকে কঠোর নজরদারির আওতায় নিয়ে আসা হয়েছে। আইন লঙ্ঘনের দায়ে ১ লক্ষ সংস্থাকে চিহ্নিত করে সেগুলিকে সংস্থাভুক্তির তালিকার বাইরে রাখা হয়েছে। জাতীয় স্বার্থেই কেন্দ্রীয় সরকার এই বলিষ্ঠ পদক্ষেপ গ্রহণ করেছে বলে দৃঢ়তার সঙ্গে ব্যক্ত করেন প্রধানমন্ত্রী।

দুর্নীতির যাবতীয় খুঁটিনাটি খুঁজে বের করে অভিযুক্ত ব্যক্তিদের চিহ্নিত করার কাজে উদ্যোগী হতে দেশের চার্টার্ড অ্যাকাউন্ট্যান্টদের পরামর্শ দিয়েছেন শ্রী নরেন্দ্র মোদী। রিটার্ন পেশ করার সময় জনসাধারণ তাঁদের আয় সংক্রান্ত যে ঘোষণা দাখিল করেন, তার পরিসংখ্যানগত তথ্য উল্লেখ করে তিনি বলেন, চার্টার্ড অ্যাকাউন্ট্যান্টদের উচিত জাতীয় স্বার্থকে সবকিছুর ঊর্ধ্বে তুলে ধরা। তাঁদের মতামতের পরামর্শ দেওয়ার সময়ও এই কথা স্মরণ করার আহ্বান জানান তিনি। দেশের আইনজীবী সহ অন্যান্য পেশাদার ব্যক্তিদের স্বাধীনতা সংগ্রামে অবদান ছিল উল্লেখ করার মতো। একথা স্মরণ করিয়ে দিয়ে তাঁদেরই পদাঙ্ক অনুসরণ করার তিনি আহ্বান জানান চার্টার্ড অ্যাকাউন্ট্যান্টদের। সেইসঙ্গে, তাঁদের মতামতের সত্যতার পথে চলার জন্য পরামর্শ দিতেও বলেন তিনি। প্রধানমন্ত্রীর মতে, পণ্য ও পরিষেবা কর-এর সূচনার ফলে দেশ এখন আর্থিক তথা অর্থনৈতিক সংহতির এক নতুন যুগে প্রবেশ করতে চলেছে। চার্টার্ড অ্যাকাউন্ট্যান্টদের শংসাপত্রের ওপর যথেষ্ট আস্থা ও বিশ্বাস রয়েছে সমগ্র জাতির। তাই, এই আস্থা ও বিশ্বাস যাতে কোনওভাবেই না নষ্ট হয় যায়, সে সম্পর্কে সতর্ক থাকার পরামর্শ দেন তিনি। প্রধানমন্ত্রী বলেন, করদাতাদের দেওয়া কর-এর সাহায্যে সমাজের কল্যাণ নিশ্চিত করা সম্ভব। জাতির বিকাশেও এক গুরুত্বপূর্ণ ভূমিকা রয়েছে করদাতাদের।

আগামী ২০২২ সালে ভারতের ৭৫তম স্বাধীনতা বাষিকীর কথা স্মরণ করে চার্টার্ড অ্যাকাউন্ট্যান্টদের পেশাগত লক্ষ্য মাত্রা স্থির করার পরামর্শ দেন প্রধানমন্ত্রী। বিশ্বের চারটি প্রধান অডিট সংস্থার দৃষ্টান্ত তুলে ধরে তিনি বলেন যে, ভারতের চার্টার্ড অ্যাকাউন্ট্যান্টদের উচিত আরও চারটি বড় বড় অডিট সংস্থা গড়ে তোলার কাজে উদ্যোগ গ্রহণ করা।

চাংকোর একটি শ্লোক উদ্ধৃত করে শ্রী মোদী চার্টার্ড অ্যাকাউন্ট্যান্টদের পরামর্শ দেন উপস্থিত সুযোগকে অবহেলায় নষ্ট না করার জন্য। জাতি গঠনের মূলশ্রোতে সামিল হওয়ার জন্য তিনি উদ্বুদ্ধ করেন তাঁদের।

(Release ID: 1494482) Visitor Counter : 2

## Background release reference

পণ্য ও পরিষেবা কর-এর সূচনার দিনটিতেই প্রধানমন্ত্রীর এই ভাষণ দেশের বিভিন্ন প্রান্তে সরাসরি সম্প্রচারের ব্যবস্থা করা হয়

